

三才圖會

三才圖會

雲間元翰父王圻編集

男思義校正

人物六卷

房玄齡像

杜如晦像

李靖像

長孫無忌像

尉遲敬德像

虞世南像

褚遂良像

于世寧像

顏師古像

蘇一像

薛收像

褚亮像

姚思廉像

陸元朗像

李守素像

孔穎達像

蓋文達像

李玄道像

劉孝孫像

蔡允恭像

蘇勗像

許敬宗像

魏徵像

李綱像

李德裕像

李勣像

狄仁傑像

姚崇像

宋璟像

元德秀像

張九齡像

郭子儀像

李光弼像

顏真卿像

張巡像

賀知章像

杜甫像

李白像

陸贄像

李晟像

裴度像

韓愈像

柳宗元像

孟郊像

賈島像

白樂天像

房 高 年 像



房玄齡字高年幼警敏善屬文每從太宗征伐獨收人物
置幕府王嘗曰漢光武得鄧禹門人益親今我有玄齡猶
禹也玄齡引杜如晦協判大計太宗卽位論功以玄齡爲
第一宰相十五年女爲王后男尚王自以權寵隆極累辭
不聽疾甚帝命鑿苑垣以便候問親握手與訣而卒

杜克明像



杜如晦字克明少英爽喜書以風流自命內負大節臨機輒斷從太宗征伐常參帷幄後與玄齡共筦朝政年四十六而卒帝哭爲慟詔虞世南勒文于碑如晦長於斷而玄齡善謀兩人深相知故能同心濟謀以成盛治

李 藥 師 像



李靖字藥師京兆三原人姿貌魁奇嘗謂人曰大丈夫當以功名取富貴何至作章句儒其舅韓擒虎與論兵曰可與孫吳侔矣牛弘見之曰王佐才也貞觀間出將入相封衛國公

尉遲敬德像



尉遲敬德名恭以字行初爲劉武周偏將軍武德二年與
尋相舉地降引爲右府統軍王何尋相叛去諸軍疑敬德
太宗曰敬德若叛肯後尋相邪卒定計誅太子封鄂國公

長孫輔機像



長孫無忌字輔機性通悟博涉書史封齊國公嘗以外戚
位三公爲嫌因辭相位不聽初承乾廢帝欲立晉王未決
無忌一言遂定後受遺詔輔高宗以諫立武昭儀事削官
爵置黔州卒

虞伯施像



虞世南字伯施與兄世基同受學于吳顧野王名方晉二
陸太宗踐祚拜弘文館學士命寫列女傳於時無本世南
暗疏之無一字謬帝每稱其五絕一德行二忠直三博學
四文詞五書翰卒謚文懿

褚登善像



褚遂良字登善博涉文史工隸楷太宗嘗有事太山以星
變諫止之又諫無以皇子任刺史與遼左之師皆閑國家
大計累官尚書右僕射因爭立昭儀事貶呂卒

于 仲 謐 像



于志寧字仲謐京兆高陵人貞觀三年爲中書侍郎太宗
嘗宴近臣問志寧安在有司奉勅召三品志寧品第四帝
特詔預宴因加散騎常侍太子左庶子黎陽縣公是時議
立七廟羣臣請以涼武昭王爲始祖志寧以涼非王業所
因獨建議違之帝詔功臣世襲刺史志寧奏古今異時慕
虛名遺實惠非久安計帝皆從之又輔太子承乾數忠諫
不從後太子敗宮臣皆罪廢志寧獨蒙勞勉後進封燕國
公監修國史顯慶四年卒謚曰定又嘗與司空李勣脩定
本草并圖合五十四篇其書大行

顏 師 古 像



顏師古字籀少博覽善屬文高祖時累遷至中書舍人專
典機密師古性敏給明練治體方軍國務多詔令一出其
手冊奏之工當時未有及者太宗卽位拜中書侍郎封琅
琊縣男帝嘗嘆五經傳習寢訛詔師古于祕書省考定頒
於天下學者賴之俄拜祕書少監專刊正事古篇奇字世
所惑者討析必暢又爲太子承乾注班固漢書上之時人
謂杜征南顏祕書爲左丘明班孟堅忠臣後遷祕書監弘
文館學士十九年從征遼病卒謚曰戴其所註又有急就
章與漢書同顯行于世又撰匡謬正俗八篇

蘇世長像



蘇一字世長高祖平王世克擒世長授玉山屯監帝素與
有舊引見玄武門與語平生調之曰卿自謂佞耶直耶對
曰愚且直帝曰若直者何爲背賊歸我對曰洛陽平天下
爲一臣智窮力屈乃歸陛下使世克不死臣據漢南尚爲
勁敵帝大笑嘲曰何名長而意之短口正而心之邪世長
曰名長意短誠如聖旨口正心邪不敢奉詔昔竇融以河
西降漢十世侯之臣舉山南以歸惟蒙屯監帝悅拜諫議
大夫數直諫歷陝州長史天策府軍諮祭酒引爲學士貞
觀初使突厥與頡利爭禮不屈拒

其略遺朝廷壯之出爲
巴州刺史丹敗溺死

薛元敬像



薛收又名莊字元敬又字伯褒太宗爲秦王時授府王簿
畫策據成臯禽建德降世克俄授天策府記室叅軍從平
劉黑闥封汾陰縣男嘗上書諫王止畋獵王答曰覽所陳
知成我者卿也明珠兼乘未若一言今賜黃金四十銖武
德七年卒年三十三王哭之慟永徽中贈太常卿陪葬昭
陵

褚希明像



褚亮字希明高祖獵親格虎亮懇愾致諫王每征伐亮在
軍中嘗預秘謀有裨益貞觀中累遷散騎常侍封陽翟縣
侯老于家後其子遂良復從太宗征遼初武德時以杜如
晦等十八人並以本官爲學士命閭立本圖像使亮爲之
贊題名字爵里號十八學士後亮卒年八十八贈太常卿
謚曰康陪葬昭陵

姚思廉像



姚思廉本名簡以字行陳吏部尚書察之子察在陳嘗脩
梁陳二史未就死以屬思廉故思廉表父遺言有詔聽續
煬帝時遷代王侍讀高祖定京師授秦王府文學王卽位
改著作郎弘文館學士詔與魏徵共撰梁陳書加通直散
騎常侍以藩邸恩政事得失許密以聞思廉亦展盡無所
諱帝幸九成宮思廉以爲離宮游幸是秦王漢武事非堯
舜禹湯所爲帝嘉納之拜散騎常侍豐城縣男卒謚曰康
陪塋昭陵

陸 德 明 像



陸元朗字德明以字行蘇州吳人善名理言世克平秦王
辟爲文學館學士以經授中山王承乾補太學博士高祖
以釋奠召博士徐文遠浮屠慧乘道士劉進喜各講經德
明道方立義偏析其要帝大喜曰三人者誠辯然德明一
舉輒蔽可謂賢矣賜帛五十匹遷國子博士封吳縣男卒
論撰甚多傳于世後太宗閱其書嘉德明博辯以布帛二
百段賜其家子敦信麟德中繇左侍擢檢校右相累封嘉
興縣子以老疾致仕終大司成

李 守 素 像



李守素趙州人王世克平召署天策府倉曹叅軍通氏姓
學世號肉譜虞世南與論人物始言江左山東尚相酬對
至北地則笑而不答嘆曰肉譜定可畏許敬宗曰倉曹此
名豈雅目邪宜有以更之世南曰昔任彥昇通經時稱五
經笥今以倉曹爲人物志可乎時渭州刺史李淹亦明譜
學守素所論惟淹能抗之

孔 仲 達 像



孔穎達字仲達冀州衡水人八歲就學誦記日千餘言聞記三禮義宗及長明服氏春秋傳鄭氏尚書十禮記王氏易善屬文通步曆嘗造同郡劉焯焯名重海內初不之禮及請質所疑遂大畏服隋大業初舉明經高第授河內郡博士煬帝召天下儒官集東都詔國子秘書學士與論議穎達爲冠又年最少老師宿儒耻出其下陰遣客則之匿楊玄感家得免補太學助教隋亂避地虎牢太宗平洛授文學館學士遷國子博士貞觀初封曲阜縣男轉給事中帝幸太學觀釋菜命穎達講經上釋奠頌有詔褒美

蓋文達像



蓋文達冀州信都人博涉前載尤明春秋三家刺史竇抗
集諸生講論於是劉焯劉軌思孔穎達並以耆儒開門受
業是日悉至而文達依經辯舉皆諸儒意所未叩一坐厭
歎抗奇之問安所從學焯曰若人岐嶷出自天然以多問
寡則焯爲之師抗曰冰生於水而寒於水其爲此邪武德
中授國子助教爲秦王文學館直學士貞觀初擢諫議大
夫兼弘文館學士爲蜀王師王有罪文達免官拜崇賢館
學士卒

李元易像



李玄道字元勗仕隋爲齊王府屬貞觀初累遷給事中姑臧縣男出爲幽州長史佐都督王君廓專持府事君廓不法每以義裁糾之嘗貶玄道婢乃良家子爲所掠遣去不納由是始有隙君廓入朝玄道寓書房玄齡玄齡本甥也君廓發其書不識草字疑以謀已遂反坐是流雋州未幾擢常州刺史風績清簡下詔褒美賜繒帛久之致仕加銀青光祿大夫以祿歸第卒

劉德祖像



劉孝孫字德祖荊州人祖貞周石臺太守孝孫少知名大業末爲王世克弟杞王辯行臺郎中辯降衆引去獨孝孫攀援號慟送于郊貞觀六年遷著作佐郎吳王友歷諮議參軍遷太子洗馬未拜卒

蔡克讓像



蔡允恭字克讓荊州江陵人後梁左民尚書大業子美姿容工爲詩仕隋歷起居舍人煬帝有所賦必令諷誦遣教官人允恭耻之數稱疾授內史舍人俾入宮固辭由是疎斥帝遇弒經事宇文化及竇建德歸國爲秦王府叅軍文學館學士貞觀初除太子洗馬卒著後梁春秋

蘇 慎 行 像



蘇勗字慎行爲軍諮典簽贊曰業敏遊藝躬勤帶經書傳
竹帛盡美丹青

許延族像



許敬宗字延族杭州新城人幼善屬文太宗聞其名貞觀中除著作郎兼修國史高麗之役岑文本卒帝驛召敬以本官檢校中書侍郎駐驛山破賊命草詔馬前帝愛其藻警由是專掌詔命太子承乾廢官臣皆除名敬宗爲言帝悟多所甄復比高宗朝遷禮部尚書乃以女嫁蠻酋勸帝立武才人廢王后太子而立代王又陰連后殺梁王長孫無忌故史列之姦臣傳耳

魏 玄 戒 像



魏徵字玄成少孤落魄棄舊產不營事隱太子爲洗馬秦
王卽位拜諫議大夫徵狀貌不踰中人有志膽每犯顏進
諫雖逢帝甚怒神色不徙凡二百餘奏無不剴切當帝心
者

李 文 紀 像



李綱字文紀少慷慨尚風節在東宮太子游溫湯有進魚
者太子使膾之唐儉趙元楷自言其能太子曰操刀膾鱸
公等善之若弼諧審論固屬綱矣爲易故發言陳事毅然
不奪

李 文 饒 像



李德裕字文饒吉甫之子以蔭補校書郎穆宗時爲浙西
觀察使惡俗大變敬宗立侈用無度求貢使者背項相望
德裕一一諫止之太宗時召拜兵部侍郎武宗立召爲同
平章事首戒帝辨邪正劉稹檀命決計誅之策功封衛國
公

李 懋 功 像



李勣字懋功曹州人唐武德中拜并州都督在州十六年
帝曰我用勣守并州其爲長城遠矣圖形凌煙議者以其
助立武氏之失幾於一言喪邦

狄 懷 英 像



狄仁傑字懷英并州人巡撫江南禁止淫祠拜平章事諫
止發兵戍疏勒武后欲立武三思爲太子仁傑以母子天
性動之卒復唐嗣薦張柬之等皆爲名臣中宗卽位封梁
國公

姚元之像



姚崇字元之開元中以十事要說天子翌日拜相嘗問齊
澣曰余爲相何如管晏對曰公可謂救時之相張說譔碑
云八柱擎天高明之位列四時成序亭毒之功存非虛語

宋 廣 平 像



宋璟耿介有大節初居小官以所作梅花賦投蘇味道稱
之自是知名皮日休云諒其貞姿勁質有鉄石心腸不解
吐軟媚語觀其梅花賦清便富艷得南朝徐庾體拜相封
廣平公

元 紫 芝 像



元德秀字紫芝河南人質厚少綵飾少孤事母孝舉進士
爲魯山令玄宗在東都命三百里縣令刺史各以聲樂集
德秀遣樂工數人連袂歌于薦帝嘆爲賢人之言

張子壽像



張九齡字子壽韶州曲江人七歲知屬文後擢進士調校書郎以道侔伊呂科策高第爲左拾遺數上疏言事遷左補闕累官同平章事以爭牛仙客功賞遂罷政九齡雖忤帝旨然每用人必曰風度得如九齡不張守珪使安祿山討奚契丹兵敗守珪奏請斬之九齡批曰守珪軍令若行祿山不宜免死玄宗宥之千秋節羣臣皆獻寶鏡九齡著千秋金鑑錄述前世興廢上欲相李林甫九齡言恐爲社稷之憂上卒相林甫而罷九齡祿山反上思九齡之言遣使曲江祭之厚恤其家

郭子儀像



郭子儀字子儀華州鄭人祿山反詔子儀爲衛尉卿東討
斬賊將周萬頃遂收雲中馬邑開東陁加御史大夫破史
思明收河北諸郡肅宗以收東都功加封代國公進封汾
陽王代宗初回紇吐蕃入寇子儀撫平之

李 光 弼 像



李光弼營州人嚴毅沉果有大畧善騎射初補王忠嗣府
兵馬使祿山反郭子儀薦其能授河東節度襲殺饒陽賊
五千拔趙郡走思明肅宗卽位詔以兵赴靈武授戶部尚
書同平章事節度如故世號李郭

顏真卿像



顏真卿爲平原太守祿山反獨倡義討之玄宗聞討賊喜
曰朕不識顏真卿何如人所爲乃如此位太師封魯郡公
史贊曰雖千五百載其英烈信如嚴霜赫日可畏而仰哉

張 巡 像



張巡字巡鄧州南陽人擢進士第爲清河令祿山反巡起兵討之後守睢陽賊將尹子琦以兵十餘萬圍睢卒固守賊攻城士病不能戰因被執不屈遇害肅宗時贈揚州大都督立廟睢陽歲時致祭

賀季真像



賀子章字季真越州人性曠夷擢進士累遷太常博士集
賢院學士晚節誕放遨遊里巷自號四明狂客及秘書外
監每醉輒屬辭筆不停書善草隸世傳以爲寶

杜子美像



杜甫字子美京兆杜陵人天寶末奏賦帝奇之拜右拾遺
上書救房琯黜流劔南依嚴武表爲叅謀檢校工部員外
郎嘗從李白高適過汴州酒酣登吹臺慷慨懷古人莫測
也

李太白像



李白字太白母夢長庚入懷而生因名焉賀知章見而嘆
曰子謫仙人也供奉翰林過華陰縣令責供云曾用龍巾
拭唾御手調羹力士脫靴貴妃捧硯天子殿前容走馬華
陰縣裏禁騎驢令驚謝

陸敬輿像



陸賁字敬輿蘇州嘉興人十八第進士中博學宏詞德宗
立召爲翰林學士從狩奉天機務填總遠近調發未幾中
延齡譖貶爲忠州別駕順宗立召還詔未至卒謚宣公

李 良 器 像



李晟字良器洮州人年十八徃事河西王忠嗣從擊吐蕃
以一矢殪其悍酋三軍懽奮代宗時蕃寇靈州復以千人
破之德宗立朱泚盜京師李懷光反咸陽晟秉義挺忠卒
平朱泚收復京師拜司徒兼中書令

裴中立像



裴度字中立河東聞喜人擢進士第知制誥宣諭魏博布
天子德澤魏人懽服王師討蔡以度視行營諸軍卒平蔡
策勲進晉國公敬宗崩定策立文宗因牛僧孺等見忌出
爲山南東道節度使

韓退之像



韓文公名愈字退之南陽人宋璟贊曰以六經之文爲諸
儒倡學者仰之如泰山北斗爲御史以論官市貶後遷刑
部侍郎又以諫佛骨謫潮州召拜祭酒遷吏部侍郎卒贈
禮部尚書謚文公學者稱爲昌黎先生

柳子厚像



柳子厚名宗元河東人文章卓偉第進士貞元中拜御史裏行王叔文韋執誼竒其才引置禁近擢禮部員外郎叔文敗貶永州司馬元和中拜柳州刺史世號柳柳州

孟東野像



孟東野名郊貧居苦陰詠與韓愈張籍等爲友更唱迭和
愈詩有東野動驚俗天葩吐奇芬之句年五十調溧陽尉
間往投金瀨及積水郊之傍徘徊賦詩曹務多廢令白府
以假尉代之

賈浪仙像



賈島字浪仙嘗得僧敲月下門之句欲改推字跨驢引手
作推敲勢時韓愈爲京兆尹不覺衝節以實對愈曰敲字
佳遂爲布衣交初爲法乾寺浮屠宣宗微行欲觀驗卷不
得故程錡詩云騎驢衝大尹奪卷忤宣宗

白樂天像



白樂天名居易太原人敏悟絕人始生七月姆展書指之
無二字示之雖百數不差年十七登進士第詩云慈恩塔
上題名處十九人中最少年

唐名臣

長孫無忌

事詳圖

房玄齡

事詳圖

杜如晦

事詳圖

魏徵

事詳圖

王

珪與魏徵同事太宗嘗問珪曰卿識精通復善議論玄

王齡以下悉皆品藻且自謂與諸子何如珪曰孜孜奉

國知無不為不如玄齡才兼文武出將入相臣不如

李靖敷奏詳明出幼惟允臣不如彥博處煩治劇衆務

畢舉臣不如戴胄明君不為堯舜以諫諍為已任臣不

如魏徵至於激濁揚清嫉惡好善臣於數子亦有微長

上深以為然褚遂良事詳圖蕭瑀事太宗忠直清謹太宗問瑀

為然然褚遂良事詳圖蕭瑀以經國久長之策瑀曰三代

封建而久長秦孤立而速亡上以為然有封建之議上

與群臣論周秦修短瑀曰紂為不道武王征之周及六

國無罪始皇滅之得天下雖同失人心則異上曰公知

其一未知其二周得天下增修仁義秦得天下益尚詐

力此修短所以殊也取之或逆守溫彥博字大臨警悟

之不可不順太宗可謂知所本矣善辭令每問

四方風俗臚布誥命若成諷然進
止詳審時人拭目觀之宰相稱矣
虞世南事詳圖劉孝孫

事詳
岑文本字景仁十四誥司隸理父馬周字賓王上

得夫國之興亡不以畜積多少在於百姓苦樂百姓治
安唯在刺史縣令選用得人陛下可以端拱無為今朝

廷唯重內官而輕州縣所以百姓不安
姚思廉事詳圖張玄素論事有回天

陽宮襲亡隋之敝賜綵二百四
李玄道事詳圖蔡允恭事詳圖薛元敬事詳圖

顏師古事詳圖蘇勗事詳圖于志寧事詳圖蘇世長事詳圖李守

素事詳圖陸德明事詳圖孔穎達事詳圖蓋文達事詳圖薛收事詳圖

圖
薛仁貴方太宗之伐高麗仁貴恃其驍悍欲立戰功

所向披靡帝見而異之賞賚除授既
憂且渥謂不喜得遼東喜得勇將
裴行儉擒到支而

降遮匄誘

伏念而縛溫博兵畧優矣其知人之明御下之思非賢者不能也朝廷賜駿馬珍鞍令史恩馳之馬蹶鞍壞懼罪而逃行儉招還不加罪又宴蕃酋將士出外城珍寶軍吏碎瑪瑙盤叩頭流血行儉曰爾非故也色不少吝

郭子儀

事詳圖

李綱

事詳圖

戴胄

字玄胤性堅正幹局明疆大理少卿缺太宗曰胄清

直即日命冒有詭資蔭冒牒取調者獄具胄據法當流帝曰卿責獄耶胄曰陛下登殺之非臣所及既與臣敢虧法乎帝

孫伏伽

武德初上言三事帝皆欽納太宗數出馳射伏伽諫之帝曰卿能言朕失

從其言

朕能

徐有功

名弘敏以字行舉明經補蒲州司法叅軍為政仁不忍杖罰訖代不辱一人時武后

僭位使爭以窮詆相高莫敢正言獨有功數犯顏爭枉直嘗與皇甫文備同按獄文備誣有功縱逆黨久之文備坐下獄有功出之或曰彼嘗陷君於死今生之何也對曰而所言者私忿我所守者公法有功為獄常持平守正凡三坐大

魏元忠

事武后面奏臣自先帝以來蒙恩承乏宰相不能盡忠死節使

辟泰然不憂

小人在側臣之罪也后不悅太后不豫二張譖元忠云
太后老矣挾天子為長久計太后怒下元忠獄曰

貶為高要尉

張柬之

武后問狄仁傑欲得一佳士仁
傑曰荊州長史張柬之雖老宰

相才也遷秋官侍郎為宰相武后疾甚張易之昌宗居

中用事柬之等帥左右羽林軍至玄武門詣東宮迎太

子斬開入斬二張廡下太后遂傳

狄仁傑

事詳圖

婁師德

為人寬厚清慎犯而不校其弟刺代州師德曰榮寵過
盛人嫉之何以自免弟曰人唾面拭之而已師德曰

人唾汝怒也拭之逆其意不拭自乾笑而受之是也狄

仁傑入相師德所薦仁傑不知意輕師德擠之於外大

后問仁傑曰師德知人乎對曰臣雖同僚未聞其知人

也后曰朕之用卿師德所薦仁傑愧曰婁公盛德為所

容久矣以

姚崇

事詳圖

宋璟

事詳圖

韓休

為人峭直不干榮
利居相位甚久時

望上或宮中宴樂及後苑遊獵小有過差趣問韓休知
否言訖諫疏已至上上嘗覽鏡默然不樂左右曰韓休為

相陛下殊瘦於舊何不逐之上嘆曰吾貌雖瘦天下必肥吾用韓休為社稷耳非為身也

李靖

事詳圖

李勣

事詳圖

尉遲恭

事詳圖

張九齡

事詳圖

楊綰

與常袞並為

侍郎同平章

事詳圖

事詳圖

事綰清簡儉素制下之日朝野相賀郭子儀方宴客咸聲樂五之四京兆尹黎幹騶從甚盛即日省之中丞崔寬毀其地宅上方倚綰革弊政而綰卒上悼之曰天不欲朕致太平何奪楊綰之速也

常袞

為相

用兵諸將競論功賞官爵泛濫袞思革其弊杜絕僥倖奏請不允

陸贄

事詳圖

陽城

諫議

事詳圖

大夫人想望風采曰必死諫諍職下城日夜痛飲韓愈作諍臣論議之及貶贄上怒甚無敢抹者城慨然率同

列論陸贄無罪裴延齡奸佞上怒欲罪城將軍張萬福賀朝廷有直臣時將相延齡城曰若相延齡取白麻壞

之改國

杜黃裳

時藩鎮強盛黃裳勸上振舉紀綱裁制子司業

經濟大畧不拘小節

武元衡

為門下侍郎夏蜀既平藩鎮揚息鎮海節度使李錡

求入朝已而稱疾元衡請下詔徵之銷窮遂反左右執

錡斬之吳元濟反淮西上以兵事委元衡李師道使人

刺元衡

事詳

子相承四十年范陽陰相郇助未可輕議淮西素無郇

援何事征討俱中其謀然與李吉甫多構仇怨二人並

相絳鯁直數爭論吉甫善逢迎絳請發錢百五十萬賞

魏博之來歸者勝於發十五萬兵之費皆策之善者

裴垪為相憲宗推心委之垪亦竭誠輔佐君臣相孚上

處心公平人不敢干以私雖故人

求進用止資給優厚不售一資云

李光弼事詳

為澤潞留後藉民三丁擇一蠲其租稅給以弓矢令閑

自習射歲終大閱按籍第能否賞罰三年皆為精兵得

六十二萬不廩於官而府庫實繕甲練兵遂雄山東昭

義部兵為諸軍冠其後田悅朱滔李希烈朱泚李懷光

相繼叛閑河南北悉為盜區獨抱真

以數州橫絕其中莫敢撓鋒肆侮

李晟

事詳

李愬

性

喜殺又尚義其平准也得賊將李祐李忠義不誅
用為腹心以擒吳元濟入城降萬眾不戮一人
白居易

易事詳

元稹

字微之元和初舉制科對策第一拜左拾
遺條上十事拜監察御史劾奏節度使嚴

厲過賦擢知制誥變
詔書體務純厚明切

柳公權

字誠懸公綽弟元和初擢
進士第穆宗嘗問公權用

筆法對曰心正則筆正公權論事不阿時郭敗領邠寧
人謂獻二女乃有是除因引王珪諫廬江王妃事諫之

安金藏

本太常工藉睿宗為皇嗣有誣皇嗣異謀者武
后詔來俊臣問狀金藏剖心以明皇嗣不反后

臨視嘆曰吾有子不能自明
不如爾之忠也即詔停獄

張巡

事詳

元德秀

事詳陸

龜蒙

字魯望少高放嘗至饒州三日無所詣刺史率官
屬就見之龜蒙不樂拂衣去居松江甫里多所論

撰為好事者盜去有田數百畝苦下
故嘗苦飢嗜茶置園顧渚山下歲取租茶自判品第不喜與流俗交雖

造門不肯見不乘馬升舟設蓬席齋束
書茶竈筆床釣具往來時謂江湖散人

顏杲卿

起兵討安祿山

死節 **顏真卿** 事詳 **段秀實** 朱泚反秀實誅泚不 **蘇頌** 字

常山 **顏真卿** 圖 **段秀實** 克以笏擊泚罵而死 **蘇頌** 廷

碩環之子在武后朝明曉法令頌為中書舍人詔填委

頌口所占授功狀百緒輕重無所差自景龍後頌與張

說以文章顯故時 **張說** 字道濟武后策賢良方正說所

號燕許大手筆 **張說** 對第一久視中廷對元忠被誣

忤旨流欽州俊為朔方大使請罷邊鎮兵二十萬還農

請募勇強士分補諸衛以疆京師為相時帝欲事吐蕃

說密請講 **張嘉貞** 在武后時召見拜御史時功狀盈几

和休息 **張嘉貞** 即吏不能決嘉貞為詳處不聞旬廷

無稽牒人相三年善傳奏敏於 **李泌** 字長源蚤慧長慕

裁遣然疆噪論者恨其不裕 **李泌** 神仙不死術肅宗

即位靈武泌以客從入議國事出陪輿輦柳玭稱兩京

復密謀居多貞元中泌揣帝有廢立意執諫數十太子

乃安泌出入中禁事四君 **柳渾** 字夷曠朱泚亂渾匿終

數為權倖所疾常以智免 **柳渾** 南山賊素聞其名執其

子榜笈之搜索所在渾變服步至奉天渾瑊與吐蕃會

平涼渾曰夷狄難以信維及吐蕃劫盟帝曰卿儒生乃

知軍戎萬

劉晏

字士安晏始入歲獻頌行在帝奇之即授太子正字累遷至京兆尹領轉運和

里情乎

庸鹽鉄常平使漕歲致四十萬斛

李吉甫

字弘憲栖筠之子劉闢拒

權鹽佐軍興法益密利無遺人

命吉甫請以西川授高崇文使得悉力故闢之平吉甫

謀居多元和中擢相常病方鎮疆恣爲帝言使屬部刺

史得自爲政帝然之王叔文時選任猥冒吉甫始薄其

爲人得叙進官無留才出節度淮南然每朝廷得失輒

以**崔群**字敦詩遷右補闕數陳讜言憲宗嘉納後拜相

聞**崔群**請釋李師古沒入妻子奴婢貲產及免權長孺

死養其耄母凡啓**杜佑**字君卿以父蔭補剡丞節度嶺

奏平恕類如此**杜佑**南朱厓不實佑討平之佑嗜學

廣劉秩政典之缺叅益新禮爲二百篇自號通典儒者

服其書約而詳魯孫牧字牧之第進士牧追咎長慶以

來朝廷措置無術嫌不當位而言實有罪故作罪言牧

剛直有奇節不爲齷齪小謹敢論列大事指陳利病尤

切至長於詩人號**許遠**敬宗曾孫寬厚長者明吏治爲

爲小杜以別杜甫**許遠**睢陽太守時尹子奇攻睢陽遠

自以材不及巡請稟軍事而居其下遠專治軍糧戰具
死守不去及賊攻城士病不能戰城遂陷與南霁雲雷
萬春等三十人皆遇害柳宗元事詳圖杜甫事詳圖李白事詳圖孟郊
事詳圖賈島事詳圖賀知章事詳圖張公藝九世同居唯能
舍忍

後五代名臣

梁敬翔

字子振少好學工書檄客梁嘗甚為人作箋刺傳之軍中梁太祖素不知書翔所作皆俚俗語

愛之以為館驛巡官翔為人深沉有大畧從太祖用兵二十餘年細大之務必關之

明為人驍勇有力能跣足履棘行百步持一鉄鎗騎而馳突奮疾如飛晉取鄆州末帝問破敵之期彦章曰三

日比三日遂破唐兵來攻戰敗被擒唐莊宗使慰諭彦章謝曰我豈苟活者遂見殺

後唐

郭崇韜

以幹材見稱位兼將相以天下為已任遇事無所回避莊宗欲建樓避暑崇韜切

諫河南令羅貫正身奉法伶人譖之韜力爭不已貫卒見殺征蜀蜀平監軍李從襲誣其有異志矯詔殺之

晉

桑維翰

字國僑初舉進士主司惡其姓以為桑喪同音人有勸其從它求仕者維翰著日出扶桑

以見志又鑄鉄硯以示人曰硯弊則改而它仕卒以進士及第

後漢

楊邠

少爲州常籍吏不喜文士不知大體以故秉

以爲不可夫人死將以后禮葬之邠又

以爲不可由是左右乘間構之見殺

後周

王朴

字文伯少舉進士依漢王邠見漢必亂乃去

事爲人明敏多材智旁通陰陽律曆法

校定欽天曆考正雅樂至宋猶用之

南唐

劉仁

字守愚爲將輕財重士法令嚴肅通兵書

與諸將出降仁

韓通

仕周爲侍衛清軍副都揮使陳橋

瞻命立斬之通自禁中遑遽而歸謀帥衆

未及闔門爲彥昇所害妻子俱死